

INUIT ATAQATIGIIT

Inatsisartuni



UKA17/71
11. oktober 2017
Hans Aronsen

Inatsisartut aalajagiiffigisassaattut siunnersuut Naalakkersuisut peqquneqassasut Nunatsinni nioqqutissat akiisa OECD-imi inuussutissat naliginnaasumik akiisa agguaqatigiisinnerinut naleqqiullugu nunatsinni qaffasippallaarujussuarnerisa sumik tunngaveqarnerisut misissussagaat. Misissuinerup malitsigissariaqassavaa iluarsisoqarnissaanut kiisalu ungasinnerusq eqqarsaatigalugu qanoq akit appartinnissaannut siunnerfimmik aqqisoqassasoq. Misissuineq UKA 18-imi inatsisartunut saqqummiunneqassasoq innersuussutigineqarluni.

(Inatsisartuni ilaasortaq, Per Rosing-Petersen, Partii Naleraq).

Siullermik Per Rosing-Petersen partii Naleraq aalajangiiffigisassamik siunnersuuteqarninnut.

Nioqqutissat akiinik nunat tamalaat akornanni misissuineru aamma atornerqartarsimavoq McDonaldsimiit Big Mac, burgereq. Uuttuutit atornerqartartoq nunani tamani pisiassanerarlugu. Ajoraluartumilli uuttuut taanna nunatsinni atorsinnaangilarput McDonalds-eqannginnatta.

Akit pinngortarnerini pissutsit sorparujussuit apeqqutaasartut oqaatigineqartariaqarpoq nunami sumiiffinni pissutsit malillugit. Naak niuertup akinik nammineerluni inissititerisinnaagaluartoq, aningaasartuutit nunami pissutsit malillugit pinngitsoorani akinik inissititerinermini eqqarsaatigisariaqarpai akilersinnaasumik niussaguni. Illut akii, orsussap akia, atorfillit akissarsiaat, akitsuutit, akileraarutillu. Inuit Ataqatigiit soqutigilluinnarparput nunatsinni pisiassanut akit appasinnerpaamiitittarnissaat, inuit kikkulluunniit, pingaartumillu inuit akissaatikinnerit ulluinnarni atugaannut sunnuteqartarmat. Pingaartumillu avinngarusimasuni najugaqartunut pisissanut akinit annertuumik nanertuutaasarmata. Siunnersuuteqartullu paaserusutaa, tassa nunatsinni nioqqutissat akiinik misissuisoqarnissaa Inuit Ataqatigiit ilalerlugu paaserusupparput qanoq taakku inissisimangersut.